



Na osnovu člana 37. stav 1. Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine broj: U-13/16), člana 1. Zakona o preuzimanju Zakona o državnoj službi u Federaciji Bosne i Hercegovine („Službene novine Srednjobosanskog kantona/Kantona Središnja Bosna“, broj: 7/11), te člana 3. Pravilnika o jedinstvenim kriterijima i postupku izbora i prijema pripravnika sa visokom stručnom spremom u organe državne službe Federacije Bosne i Hercegovine („Službene novine Federacije BiH“, broj: 4/13), a na zahtjev Ministarstva unutarnjih poslova/Ministarstva unutrašnjih poslova Kantona Središnja Bosna/Srednjobosanskog kantona, Agencija za državnu službu Federacije Bosne i Hercegovine, objavljuje

JAVNI KONKURS
za prijem pripravnika u Ministarstvu unutarnjih poslova/Ministarstvu
unutrašnjih poslova Kantona Središnja Bosna/Srednjobosanskog kantona

- | | |
|--|------------------------------|
| 01. Pripravnik kriminalističke struke | - 2 (dva) izvršitelja |
| 02. Pripravnik prometne struke | - 2 (dva) izvršitelja |

Uslovi: Pored općih uslova iz člana 25. Zakona o državnoj službi u Federaciji Bosne i Hercegovine, kandidati moraju ispunjavati i sljedeće posebne uslove, i to:

Pozicija 01.

- VSS - VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja – kriminalističke struke,
- da nema ostvareno radno iskustvo, odnosno radni staž u struci od 1 (jedne) godine ili više, nakon sticanja visoke stručne spreme, odnosno visokog obrazovanja,

Pozicija 02.

- VSS - VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja – prometne struke,
- da nema ostvareno radno iskustvo, odnosno radni staž u struci od 1 (jedne) godine ili više, nakon sticanja visoke stručne spreme, odnosno visokog obrazovanja.

Izbor i prijem pripravnika izvršit će se na osnovu jedinstvenih kriterija utvrđenih u Pravilniku o jedinstvenim kriterijima i postupku izbora i prijema pripravnika sa visokom stručnom spremom u organe državne službe Federacije Bosne i Hercegovine („Službene novine Federacije BiH“, broj: 4/13).

Napomena: Radni odnos pripravnika zasniva se na određeno vrijeme od 1 (jedne) godine.

Prijavljivanje - potrebni dokumenti (originali ili ovjerene kopije):

1. Kandidati se prijavljuju na konkurs dostavljanjem uredno popunjenog prijavnog obrasca za pripravnike Agencije za državnu službu Federacije BiH (može se preuzeti u prostorijama Službe za postavljenja u organima državne službe u Zeničko-dobojskom kantonu, Kučukovići broj 2., Zenica ili na web stranici Agencije www.adsfbih.gov.ba),
2. Fakultetska diploma (nostrificirana diploma, ukoliko fakultet nije završen u BiH ili je diploma stečena u nekoj od država nastaloj raspadom SFRJ, nakon 06.04.1992. godine). Ovjerena fcc diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica.
3. Ovjerena izjava data pod punom materijalnom, moralnom i krivičnom odgovornošću da kandidat nema ostvareno radno iskustvo, odnosno radni staž u struci od 1 (jedne) godine ili više, nakon sticanja visoke stručne spreme, odnosno visokog obrazovanja,
4. Uvjerenje fakulteta o prosjeku ocjena nakon završetka studija,
5. Uvjerenje Zavoda za zapošljavanje o dužini trajanja nezaposlenosti nakon sticanja diplome visoke stručne spreme, odnosno visokog obrazovanja (ukoliko se kandidat nalazi na evidenciji Zavoda),
6. Rješenje o utvrđenom stepenu invalidnosti (ukoliko je kod kandidata utvrđen stepen invalidnosti 60% i više).

Agencija može u svakoj fazi konkursne procedure zatražiti od kandidata na uvid originale priloženih kopija dokumenata koji služe u svrhu dokazivanja ispunjavanja uslova javnog konkursa. Ukoliko pozvani kandidat ne postupi po zahtjevu Agencije za provjeru izvornosti dostavljenih ovjerenih fotokopija dokumenata, bit će isključen iz konkursne procedure.

Ostale dokumente kojima se dokazuje ispunjavanje općih uslova konkursa izabrani kandidat će biti dužan dostaviti Agenciji u roku od 8 dana od dana prijema obavještenja o rezultatima konkursa.

Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava sa potrebnim dokumentima dostavlja se u roku od 15 dana od objave javnog konkursa u dnevnim listovima (računajući od posljednje objave), putem pošte, preporučeno na adresu:

**Agencija za državnu službu Federacije BiH
Služba za postavljenja u organima državne službe u
Zeničko-dobojskom kantonu
Kučukovići br. 2, 72000 Zenica
sa naznakom:**

**“Javni konkurs za prijem pripravnika u
Ministarstvu unutarnjih poslova/Ministarstvu unutrašnjih poslova
Kantona Središnja Bosna/Srednjobosanskog kantona,
sa pozivom na broj: 09-30-8-33/23“**

DIREKTOR

Refik Begić, magistar uprave